

欽定剿平粵匪方略

欽定剿平粵匪方略卷三百三十 壬戌年

十二月初十日

丁亥都興阿富明阿奏言

大股逆匪聚集七八萬衆由上流分股渡過九
洑洲竄撲江浦縣城經李世忠先期派隊駐守
將該逆擊退李世忠又由滁州五河添調十三
營分紮江浦亦極周密是其兵力雖單尙能固
守並無不肯出力之意昨接署漕運總督吳棠

來咨以李世忠請提解邵伯等處礮位爲進攻
九洲之用臣當飭遊擊石皓挑選向設露筋
祠等處五千斤大礮十二尊委員運解仍諄飭
駐防浦口之水師副將馬步雲等併力助剿並
咨會曾國荃及札飭楊心純探明該逆如有折
回消息卽行就近撥隊前往協擊至下游軍情
賊蹤逼近通州海門一帶居民甚爲驚恐當飭

總兵郭定猷等各幫師船實力堵剿僞護王相
王等帶有四五萬賊共踞常州另股賊匪現踞
武陽無錫交界意圖繞至福山等處乘機北竄
連日靖江各港難民紛紛北渡臣惟有嚴飭沿
江駐防師船晝夜梭巡不使稍有疏懈

都興阿又奏言准江蘇撫臣李鴻章咨稱現委
遊擊張家瑜等馳赴高郵邵伯一帶招募勇夫

一營剋期成軍迅帶回滬等因查各營勇丁一營中慣戰之勇有數十名者卽係上等營頭其次每營若有二三十名亦卽可靠現在江北月餉支絀各營勇丁月餉三兩者居多尙須待至五六十日始能一關營勇困苦異常連次上海招勇每名月給銀七八兩並傳言有十兩十二兩者江北慣戰勇丁率皆改名應募勢難遏止

在勇丁棄少就多原不足責然當此逆氛環逼
江北勇數本屬無多再使慣戰之勇去而之他
戰守恐益難恃若不體察情形禁止附近招募
勢將貽誤戎機相應請

旨飭下李鴻章無庸在揚營附近等處募勇以維江
北大局奏入

上命議政王軍機大臣傳諭曾國藩都興阿富明阿

李鴻章曰李世忠現在進攻九洑洲已經都興阿調撥礮位十二尊諒已足敷攻剿旣據都興阿奏該提督尙無不肯出力之意著曾國藩傳諭李世忠督飭所部迅將九洑洲一帶賊壘剋期攻拔勿稍畏難苟安並著都興阿飭令副將馬步雲等併力助剿該逆慣於乘虛該將軍等尤當加意嚴防毋令北竄其所調礮位卽著於九洑洲攻克後仍

解交原處都興阿李世忠均不可留存營中以備
北路應用賊蹤偏近通海等處圖由福山北竄都
興阿等雖已派郭定猷等師船嚴密防範第該處
關繫江北大局恐師船尙形單薄著都興阿再行
抽調師船認真防範毋許一賊偷渡富明阿如能
前往卽著前赴察看以壯聲勢至李鴻章招募揚
勇原因滬上兵力未厚第江北各營月餉僅止三

兩且須五六十日始能一關必致該處得力之勇
改名應募相率引去於江北軍務大有關繫著李
鴻章飭知委員張家瑜等卽行停止該撫籍隸皖
北廬鳳一帶民風素稱強悍若派員前往招募必
可訓練成軍並著酌量辦理上海月餉雖多何以
每名有七八兩至十兩十二兩之多恐有常勝軍
潛赴江北招募之事尤當嚴行禁止揚防餉項未

充如上海尚能寬裕著李鴻章酌量撥解接濟

十四日

辛卯

瑛榮奏言據報陳得才等股逆匪已

由竹山一帶紮營百餘里直抵陝西平利縣勢
甚猖獗查湖北兵力雖厚專顧東北兩面至於
西界似覺分布不足臣當飭毛震壽於無可籌
撥之中竭力分兵前往堵禦並咨多隆阿早爲
運籌遲則腹地未清恐又將添外患奏入

上命議政王軍機大臣傳諭官文嚴樹森曰瑛棨奏
髮逆陳得才等股已由竹山一帶直抵陝西平利
縣勢甚猖獗當飭毛震壽抽撥兵勇前往堵禦等
語髮逆擾及平利駸駸有入陝之勢毛震壽所部
兵勇本不甚多且攻勦洋縣踞匪日久未克豈能
更有餘力兼顧平利是陝省軍情益形喫重前據
官文等奏調派梁作楫楊朝林唐協和歐陽正壩

等軍前往房竹一帶相機勦辦該匪現已竄徧陝境房竹情形諒可稍鬆著卽嚴飭梁作楫等迅撥勁旅馳往平利邊界遏賊西竄興漢之路務將此股髮逆就地殲除毋留餘孽

十五日壬辰毛鴻賓奏言准曾國藩咨旌德境內

之賊竄踞祁門有窺伺江西饒州景德鎮之勢請催江忠義先行馳赴江西援勦等語查粵西

軍事正在得手江忠義一軍暫時未可輕動而江西防堵緊要該省存兵無幾不能不有賴於外援臣再四籌畫查有道員席寶田向隨劉長佑勦辦江西各屬踞賊營務既所諳悉地方亦極周知兼係江西補用人員派令前往可期得力已委招募勁勇三千名由湖南發給軍裝行資趕緊料理成軍取道萍鄉袁州一帶前進至

石逆徘徊遵義黔西等處疊次竄近敎永爲川
兵所扼臣已飭總兵趙福元周洪印知府戈鑑
同知吳自發副將滕加洪等分扼各路邊隘聯
絡堵剿務期力遏奔竄勿令蔓延奏入

上命議政王軍機大臣傳諭曾國藩毛鴻賓曰曾國
藩前奏請將江忠義一軍調赴皖省茲據毛鴻賓
奏以接曾國藩咨令先行馳赴江西而該撫以江

忠義所部未宜輕動江防緊要已另派江西補川
道席寶田招募勁勇三千名發給行資趕緊成軍
前赴江省所籌尙屬妥協此時祁門業已克復江
防應已稍紓而皖省軍情尙緊唐訓方所部各路
防勦分布不遑席寶田一軍應否卽飭徑赴皖省
並飭於何處分防助勦著曾國藩酌量調度並一
面催提前進石達開股匪遊弋遵義黔西壘次竄

授敘永皆爲川兵所扼仍著毛鴻賓嚴飭總兵趙福元等軍分扼各路要隘聯絡堵剿毋令蔓延

十九日

丙申

曾國藩奏言僞忠王李秀城等會自

雨花臺解圍後卽遣僞漳王對王納王及忠逆次子紆黨渡至九洑洲圍撲官軍營盤李世忠於十月初間由滁州赴九洑洲親臨前敵力籌防剿初十日後該逆陸續由下關渡至九洑洲

散布十七日分兩枝突出浦口進攻張大本營
寨李世忠正欲督隊往援忽有悍賊數千繞過
前營負土填濠勢甚兇猛李世忠出營督陣馳
逐於礮火之中傷馬馬蹶步戰搏賊又斬百餘
級賊始遁去而張大本營外賊亦負創撤退十
八日賊仍猛犯張大本營又分七八千衆抄撲
九洲倪文藻等營同被賊圍陳廣俊吳文祥

各受矛傷督軍抵禦相持竟日賊不敢進十九
日賊攻官軍營盤益急倪文藻陳映登俟賊近
濠縱兵擊之互有損折李顯安簡精銳橫衝賊
陣賊盡披靡我軍乘勝掩襲俘戮二百有奇蹙
偏入江者無數惟汪德喜帥隊助戰追進賊壘
遇伏死之賊又於次日夜冒雨廝至一劫浦口
張大本等營一劫九洲李顯安倪文藻等營

天黑雨猛火器不燃軍士屏息露立羣以刀矛
外刺薄營之賊搜刃輒殪賊乃轉攻程自有一
營程自有從牆缺處躍出昏夜搏鬪裏入核心
刀貫胸腹移時殞命胡學詩搶護營盤亦殪於
陣二十一二等日賊攻南岸石埠橋營晝夜不
息沿江連張八壘並結筏橫互江心二十四日
乘風雷渡江者二萬餘衆旋由九洲竄出一

股至江浦以北牽掣小店各營以大股傍營衝過我營抽隊出擊多有斬擒駐守江浦之軍出城夾剿賊向西路和州一帶竄逸二十五日李世忠見西路喫緊親駐江浦派李顯爵楊玉珍蔡天福等軍躡賊尾隊二十六日昧爽李顯爵等行至橋林聞前日西竄之賊尙有萬人屯聚新店窺地方我軍鼓行而進猝與賊遇李顯爵

等分路抄擊殺賊近二千名生擒逾七百人忠逆之子率黨踵至於二十八九等日分隊上竄李世忠令朱元興李顯爵進剿戰賊於小店賊衆大潰追擒數百中有僞主將俞元和汪城玉陳伯品等三人十一月初一日李世忠親督楊玉珍等自江浦馳赴小店該逆排列西上李世忠揮兵猛擊衝開賊陣截住未過賊隊五千餘

人適李顯爵朱元興亦自橋林來會賊卽駭奔
我軍分道追勦直至湯泉鎮新店廟而止初六
日賊在石埠橋濱江增壘守營將領何立香督
隊毀平壘中之賊無一脫者初九日賊以全力
來撲環營築壘圍攻數日略無退志李世忠乃
令李顯發過江南援十三日何立香吳奎森從
東面擊出李顯發帶所部從西南兩面夾擊又

另派洋礮隊一枝爲之援應賊猶恃衆抗拒將
士內外交攻截賊數段洋礮隊乘勢環擊賊多
不及歸壘我軍搶過濠溝斬卡直入遂將賊壘
一律鏟除其北岸之賊於十三日力撲浦口各
營又於十四日進圍小店各營均經諸將弁穩
守穩戰更得江浦營中撥兵來援賊盡撤圍而
去凡李世忠所守各城各營屹立賊中堵禦並

施均獲保全查李世忠一軍扼守江北數城分
攻九洲賊壘又防南岸石埠橋要隘汎地過
寬此次賊渡北岸雖未能遏其上竄而血戰經
月路路喫重卒能力保各城屢挫逆氛實屬功
多過少至總兵程自有副將汪德喜知縣胡學
詩力戰陣亡均請

飭部從優議卹奏入

上命議政王軍機大臣傳諭會國藩曰李世忠一軍扼守江北數城分攻九洑洲賊壘又防南岸石埠橋要隘汎地過寬此次賊衆北渡雖未能遏截上竄而血戰經月路路喫重卒能力保各城尙屬功多過少著會國藩仍飭該提督一軍迅將九洑洲攻克以絕逆匪北渡並與南岸大軍聯絡進取如上游賊匪回竄或南岸賊再分股搶渡卽飭該提

督迎截堵勦毋稍疏虞

上諭內閣曰李世忠一軍扼守江北數城此次逆衆由九洑洲分竄該提督督飭諸軍血戰經月所守各城各營屹立賊中卒能保全勦辦尙屬出力著曾國藩傳諭該提督迅督所部將九洑洲賊壘攻克並嚴防江面毋令賊匪偷渡力戰陣亡之總兵程自有副將汪德喜知縣胡學詩均著交部從優

議卹

曾國藩又奏冒金陵大營堅守如常北岸巢縣
之賊掠至殷家橋運漕之賊竄至湯家溝十一
月二十四日賊撲近無爲州北門外我軍出隊
堵勦金陵派援之劉連捷三營適至賊卽卻走
蕭慶衍毛有銘兩軍亦於二十六七日起至無
爲州連日雨雪尙未開仗南岸楊岳斌水師於

十九二十二等日在三汊河奪三板槍划二十餘號二十七日會同陸兵羅逢元等攻破護駕墩兩岸逆壘焚奪賊船二百餘號僞侍王在東壩招來之船不復能逞志矣周萬倬吳坤修兩軍於二十七日攻勦石碓等處踏毀兩卡四壘焚其輜重金柱關蕪湖兩路幸皆穩固甯國鮑超一軍於二十七日進攻馬頭楊柳鋪之賊大

獲勝仗踏毀賊館賊卡甚多惜所募新勇未齊
不能乘勝痛勦水陸糧路仍有梗塞之虞駐守
涇縣之易開俊吳廷華等營二十六日擊賊於
晏公堂獲勝一次二十七日追賊於黃邨挫敗
一次太平石埭兩縣賊踞如故擾及陵陽鎮初
五日竄入青陽縣城臣現檄調朱品隆一軍移
勦青陽縣城以顧涇縣後路未知能得手否奏

八報

問

同日駱秉章奏言石逆自踞敘州府屬之雙龍
場分悍黨數萬人屯聚橫江汎以爲犄角僞宰
輔李幅猷復率衆蔓延於滇境之副官村一帶
意圖搶渡金沙江總兵何勝必帶七營分布屏
山縣等處與副官村之賊夾河而壘十月二十

二日何勝必派營官楊耀關等各帶親兵渡江副官村之賊突出千餘人分三路衝來楊耀關等分隊迎戰斃其前鋒百餘人賊卽敗退旋分出悍黨兩萬餘人由羅家坳徑奔高縣二十八日高縣知縣丁良俊帶團迎擊力戰被害縣城被賊竄踞臬司劉嶽昭率果後營行抵慶符縣之黃沙漕聞報立飭五營馳援二十九日果後

營營官知縣曾紀鳳等抵黃水口賊衆踞橋負
嶠我軍分路進攻斃賊數百名乘勢奪門而入
賊衆驚潰紛紛棄城而遁我軍追殺數里斃賊
五千餘人遂將高縣克復時劉嶽昭探知玉黃
樓有踞賊二三萬高縣敗賊將由羅家坳合股
劉嶽昭遂飭曾紀鳳等四營截擊敗匪而自督
大隊進剿賊不能支擒斬及墜崖斃者屍相枕

藉立將玉黃樓賊巢攻破追殺數里餘賊向沙
溪奔竄其橫江巨股意圖撲渡金沙江十一月
初三日提督胡中和等約期進攻初六日諸軍
分道揚隊賊已由回龍場遙擁而來胡中和揮
兵橫擊將賊衝爲兩起我軍分投襲斃賊三
千餘名力破賊卡數十座直抵橫江場口復斃
賊千餘名初七日胡中和等移營漸逼賊壘該

逆乘我軍營盤未就突出三萬餘人分兩路來
撲胡中和堅陣以待該逆漸近營次我軍奮勇
迎擊賊遂敗走官軍分兩路追殺殪其悍黨二
百餘人賊逸入卡胡中和復追至橫江場前斃
賊無算十二日我軍分道進偏槍礮齊施賊奔
入卡其尾隊竄走不及者被我軍殲斃三百餘
名其西岸水過河之賊見我軍直抵橫江卡前

意欲隔岸援救適總兵唐友耕等已帶隊由西岸馳至礮船亦溯流而進水過河賊巢復擁出數萬人將圖死拒唐友耕身先突陣親兵繼之立刺悍賊數十名乘勢掩擊當將賊卡踏毀十餘座斃賊不計其數據逃出賊供橫江賊首僞宰輔方元詳僞大經略賈逆皆中礮傷臣現飭諸軍乘勝先將橫江賊巢攻克以孤其勢卽合

圍雙龍場以圖石逆爲埽穴捨渠之計至高縣
知縣丁良俊禦賊捐軀仰懇

天恩照同知直隸州知州陣亡例議卹其疊次打仗
陣亡之擬保參將何文魁等均請

飭部從優議卹

駱秉章又奏言查川省軍情石逆前被各軍追
勦出境在黔無從擄食遂由畢節黔西竄入雲

南鎮雄滇省糜爛旣久伏莽甚多石逆所過地方散練遊匪隨處響應裏脅至十餘萬賊勢倍於日前乃由筠連高縣回竄敘南分踞橫江汛水過河雙龍場玉黃樓等處夾橫江而壘查橫江由雲南大關廳流入川境自南而北至安邊與金沙江會該逆欲由橫江順流搶渡金沙復分股蔓延滇境之副官村直達永善縣沿金沙

江數百里處處窺渡而安邊旣當其衝上至屏
山雷波江岸節節宜防幸各營楚勇尙未遠調
賊蹤甫至臣卽飛檄湘果軍馳赴敘府南岸以
保郡城檄果後全軍由慶符包抄以扼其東竄
調總兵唐友耕振武營駐安邊適對橫江以遏
其衝復派總兵熊煥章秦華祝各率所部分駐
屏山雷波會同地方文武兵團以防乘隙偷渡

此時布置有備各軍連獲勝仗賊氣已奪臣仍
嚴催諸軍合力大舉以期埽穴擒渠乃石逆狡
計百山知屏雷以至安邊勢難撲渡復以中旗
一股由雲南鎮雄繞赴東川府地界沿途裹脅
衆亦數萬圖窺甯遠府屬臣因此刻分兵遠應
須一月程途方能行抵甯遠儻該逆意存牽掣
詢知我兵前往復由東川回竄敘南是正墮其

術中遂委道員史致康等督率甯遠府知府李
祐及地方文武調集漢土各練沿金沙江上游
星羅碁布嚴密設防

同日韓超田興恕奏言粵逆自尊義等處敗後
分竄畢節縣因該縣城守嚴緊並總兵李有恆
援軍趕至匪衆悉向雲南鎮雄州竄去茲准四
川督臣駱秉章咨會該逆在鎮雄州裹脅土匪

其勢復張九月二十四五等日分股由焦村直撲筠連並上竄宜賓之橫江鎮意欲搶渡金沙江進窺敘郡現飭各營會勦咨由黔省派兵嚴扼黔西畢節一帶使賊不得竄逸等語臣等當飭李有恆仍督各軍駐紮畢節扼要嚴防又飭黔西畢節各州縣聯團守禦其竄撲即飭廳城一股疊經團練轟擊該匪於十月初一夜分股

逃遁一股竄永甯州屬之關嶺一股前隊竄至
郎岱安南交界之毛口河後隊尙踞廳屬打鐵
關地方並探聞該匪欲糾土匪復攻廳城期在
必得時代理永甯州知州李崑先經臣等札飭
帶練調團赴郎岱援應初一日馳至廳屬洒志
地方遇賊接仗斃匪數十名初二日該匪已分
竄關嶺李崑星夜帶隊抄出賊前迎頭堵剿初

四日行抵北口地方李崑分派兩隊設伏山後
親督一軍迎前誘敵該匪率衆出拒我軍佯敗
該匪追過山坳伏兵齊出前後夾擊斃匪百餘
名生擒十一名正法敗匪悉向毛口河奔竄李
崑帶隊跟追署郎岱同知嚴謹署永安協副將
雙祿於初二日帶團進攻打鐵關先調附近團
丁堵截該匪旁竄之路又派楊萬年等帶兵練

二千名策應嚴謹等親督練團分路進剿各軍奮勇搶入關口殺賊數百名生擒八十餘名正法該匪勢不能支遁歸毛口河賊巢嚴謹等整隊追剿初七日馳至毛口河與李崑一軍會合併力夾擊該匪悉數迎敵抵死抗拒適李有恆派赴郎岱援剿之葛樹本等各帶勁勇前來該匪畏怯紛竄搶船爭渡我軍乘勢掩斃賊五六

百名其爭渡不及自行鳧水淹斃者無數餘匪
悉數過河由安南邊界向雲南霑益州一路竄
去查石逆擁衆十餘萬由川竄黔分撲各府廳
州縣城池勢甚猖獗幸屢經官軍擊敗未得逞
志茲復在毛口河大受懲創惟石逆未獲殲擒
實堪憤恨現該匪等由霑益州一帶奔竄滇省
與川境在在毗連滇中無可撓掠勢必仍行入

川與由鎮雄竄川之匪合股肆擾川省兵力較
厚諒不難掃滅狂氛臣等業已督飭黔邊各屬
節節嚴堵以防回竄均奏入

上命議政王軍機大臣傳諭略秉章韓超曰石逆回
竄敘南後以巨股分踞橫江汎雙龍場等處復分
股再陷高縣城池經略秉章調派楚軍分投勦辦
收復高縣並將玉黃樓賊巢攻破賊膽已寒惟此

股逆匪由滇裹脅至十餘萬之衆兇燄甚張且於
橫江等處分屯築壘自成犄角並圖搶渡金沙以
窺郡城蕃謀甚狡前諭略秉章迅飭劉蓉馳赴敘
南督軍此時曾否前往川南軍務緊要卽著賁成
該藩司督飭各軍將橫江雙龍場賊巢次第攻克
務將積年巨懸埽穴擒渠毋令再竄滇黔地方又
貽後患其繞竄甯遠之賊卽著飭令該地方文武

調集漢土各練沿金沙江上游嚴密堵遏毋稍疏虞至石逆在滇餘股疊撲郎岱永甯各城均經擊敗餘匪竄往雲南之霑益州滇中無可擄掠該逆非回竄黔疆勢必圖入川省與前賊合股並著駱秉章韓超飭令沿邊一體嚴防毋令竄入

上諭內閣曰逆匪石達開分股竄踞敘州府屬之雙龍場等處意圖搶渡金沙江總兵何勝必派兵迎

擊十月二十八日該逆徑奔高縣縣城被踞二十九日官軍分路進攻計斃賊五千餘人當將高縣克復其玉黃樓踞賊經臬司劉嶽昭督軍進剿擒斬無算餘賊向沙溪奔竄十一月初六日官軍進攻橫江賊巢提督胡中和等揮軍橫擊斃賊三千餘名力破賊卡數十座直抵橫江場口復斃賊千餘名初七至十二等日疊次進擊先後斃賊尤多

勦辦尙屬得手著卽分飭各軍節節進勦盡殲醜
類高縣知縣丁良俊禦賊捐軀深堪憫惻著照同
知直隸州知州陣亡例議卹其歷次打仗陣亡之
擬保參將何文魁擬保遊擊周殿舉都司李桂堂
擬保千總王吉祥把總張福元擬保把總石玉壽
劉勝賓許欲芳唐吉隆謝勝世外委張光容張隆
富周文開黃泰順陳彩和黃志忠王德貴朱文炳

趙得勝譚資善蘇進武趙三勝守備韓宗美千總
周繩智把總尹開榜文世懷擬保參將李太和均
著交部從優議卹

同日署雲貴總督潘鐸雲南巡撫徐之銘奏言
髮逆由川入黔分股擾至貴州遵義仁懷大定
畢節普安各處由普安白河汛上竄滇境逼近
平彝縣地方臣等卽委參將馬聯升督軍嚴防

十四日該匪大股進偏縣境馬聯升親督兵練
各路堵擊該逆悉眾抗拒兵練奮勇直前陣斬
僞丞相李侗開暨長髮老賊百餘名餘匪由宣
威州屬板橋一帶逃竄兵練跟蹤追剿並飭宣
威文武一體截擊惟髮逆股數眾多到處滋擾
貴州興義各縣已爲賊踞其由畢節竄至滇省
鎮雄一股已入川境如川軍迎擊獲勝該逆勢

集之... 卷之三十一
三十一
必復竄滇疆防勦尤爲喫緊臣已飭昭通鎮雄
東川各文武扼要堵禦前督臣張亮基係奉

旨督辦雲南軍務之員現在兼署提督聞已行抵滇
界臣當飛咨張亮基暫駐東昭地方妥籌調度
防勦更易得手奏入報

聞

二十一日

戊戌

官文嚴樹森奏言十月二十日粵

逆糾合大股匪黨徑竄桃園地方距房縣城僅
十餘里該縣知縣慶明會同遊擊田德明等督
帶兵團馳往扼截二十一日賊衆撲營被兵練
擊退後復分股繞由小路抄山官兵之後直撲
縣城城中兵勇寡不敵衆被賊闖入縣城慶明
等因腹背受敵遂移紮七里河二十二日激勵
兵團分路進剿乘賊無備一鼓登城格斃賊匪

數百名賊勢不支奪路狂奔當將縣城收復一
面派隊追剿斃賊百餘名賊卽由九道梁田家
壩一路竄擾竹山竹谿縣境頭隊僞扶王陳逆
已竄陝西之平利縣後隊僞啟王梁逆僞遵王
馬逆先已竄出境外現又回竄竹谿之水坪草
鞮垵等處查鄖房二竹居楚西上游爲荆宜襄
屏蔽臣等前於該逆搶渡襄河時卽飭道員梁

作楫率凱字五營由荆門當遠一路攔頭截擊
扼其竄荆州之路並飭署宜昌府知府唐協和
率新訓二營專防興山縣扼其竄宜昌之路護
軍統領舒保安襄鄖荆道歐陽正塘各率馬步
諸軍專防均光南穀等處扼其竄襄陽之路該
逆偵知三路均有重兵恐躡其後故房城被勦
後假道二竹盡向西趨此股賊匪本無巢穴排

徇三省之交難保不圖回竄梁作楫一軍取道
當遠房保以至二竹地方此時計可趕到現又
飛催前進以期迅掃逆氛惟楚省三面傳烽兵
分力單此股髮逆或竄川境或竄陝境尙無一
定去向梁作楫所部僅二千五百人卽使勦辦
得手亦祇能扼守鄖屬一面若再越境遄征則
前路旣無兵夾擊後路又無師繼進孤軍深入

處處堪虞况襄樊隨棗均與豫境毗連惟有顛
懇

飭下四川督臣派兵出大甯一路陝西撫臣派兵出
興漢一路三面夾擊乃可聚而殲旃至房縣城
池被賊闖入該縣文武等官於援軍未至之先
會督兵練迅速克復雖疏失於前尙愧奮於後
所有署房縣事公安縣知縣慶明典史李聯琦

鄖陽左營遊擊田德明中軍守備王佐仰懇
天恩一併革職免其治罪以觀後效出自

鴻慈奏入

上命議政王軍機大臣傳諭官文多隆阿駱秉章嚴
樹森瑛燊曰官文等奏陳逆由二竹竄擾平利請
飭四川陝西派兵三面夾擊等語此股皖逆本係
陳玉城餘黨前因無巢可歸遊弋楚豫之交現在

復由房竹竄入平利南可以擾大甯北可以竄興
漢將與石逆相似必爲川陝楚三省邊防之患不
可不迅圖剿除前因瑛棨奏聞曾諭官文等嚴飭
梁作楫等就地殲除現在梁作楫是否趕到賊衆
究趨何處毛震壽所派之兵已否前往著瑛棨迅
催該藩司調撥惟漢中各逆尙未殄滅恐分兵未
多不敷勦辦著多隆阿添派勁旅迅速馳剿川東

甫就肅清豈可再令蹂躪著略秉章酌撥數營或由夔防抽調勁旅就近馳勦與楚陝之軍三面夾擊永除後患現在川陝兩省逆氛未靖楚省雖軍方未厚官文等素顧大局斷不可竟委之鄰省致令賊勢蔓延務飭梁作楫等越境追勦且設法繞出賊前迎擊毋令旁竄署房縣事公安縣知縣慶明典史李聯琦鄖陽左營遊擊田德明中軍守備

王佐雖疏失於前而於援軍未至之先卽會同克復尙屬愧奮著照官文等所請卽行革職免其治罪其傷亡弁勇著查明請卹

欽定勦平粵匪方略卷三百三十一 壬戌年

十二月二十三日

庚子

駱秉章奏言髮逆僞扶王

僞銳王僞曾王僞齊王等擁馬步數萬已由湖

北鄖陽竹谿竄至陝西平利偏近川界臣度該

逆由豫而楚而陝必聞石逆現踞蜀境遂冀入

川合夥查夔郡之大甯綏定之城口太平以及

保甯之通江廣元上下二千餘里與楚之鄖西

陝之漢南在在毗連此卽從前三省教匪往來
熟道山徑叢雜路出如梳現在重兵皆在敘南
攻勦石逆正值喫緊萬難抽撥而川北營勇不
滿六千實覺不敷分布臣先其所急已飭護軍
嚮導兩營馳赴城口太平擇要堵禦並檄武字
營扼紮綏定保寧兩府適中之地以備雕勦而
資策應

同日瑛稟奏言據興安府知府林映棠稟稱十
一月十九至二十一等日髮逆竄至興安據盤
獲奸細供稱偽齊王現踞竹谿偽曾王偽東王
在平利安康一帶來犯郡城者係偽扶王共有
十餘萬人人心惶懼請撥兵救援等語當咨多
隆阿迅撥勁兵前往勦辦惟現值多隆阿勝保
新舊交替之際諸務紛繁恐一時未能策應臣

一而飛咨四川兩湖督臣撥兵會勦一面嚴飭
各該地方文武妥爲布置將隘口全行堵截扼
賊旁竄之路俟援師到後再行痛殄逆氛均奏

八

上命議政王軍機大臣傳諭官文多隆阿駱秉章嚴
樹森瑛棨曰陳逆一股自房縣竄入陝西之平利
而其後隊梁逆等尙在竹谿昨據官文等奏聞當

論官文等飭梁作楫等兵勇出境並令多隆阿添
派勁旅迅速馳剿此股髮逆本陳玉城餘黨現竄
川陝楚三省毗連之地山徑叢雜從前川楚教匪
卽於此處肆擾有年此時若不迅卽剿除一經蔓
延剿辦更必棘手著駱秉章添派勁旅迅速越境
追擊官文等仍遵前旨飭催梁作楫等軍與川陝
官軍會合兜剿務期就地殲除毋令賊得入山踞

險或乘開入川串合石逆匪黨是爲至要

二十五日

壬寅

李鴻章奏言據水師遊擊周興隆

稟稱僞職錢桂芒駱國忠董正勤等由常熟專
人來營諄求投誠獻城並約太倉僞佐將錢壽
芒同時舉事臣卽傳諭該僞職等約期內應並
察知永昌練首候選道徐佩瑗與該僞職等合
謀已久札飭調齊練勇協力妥辦嗣經周興隆

遵飭改裝入城密定於十二月初一日常昭舉
事卽約會官兵分攻太倉與錢壽若相應昨據
周興隆駱國忠等稟稱僞忠王李秀城忽於十
一月二十二日由金陵回至蘇州錢桂若心生
畏蕙已託詞往蘇恐有反覆不及待初一日之
期商定先期在常昭舉發遂於二十八日黃昏
駱國忠設法演戲就席飲殺僞憑天安錢加若

僞遠天福姚得時卽率所部圍勦各館逆衆時
董正勤等各誘殺諸巨酋合兵夜搜梗頑賊衆
殺戮幾盡黎明周興隆駱國忠等督令合城薤
髮派奮勇萬人分守四門及水陸來路以防蘇
賊並令余拔羣潘金卅分率礮船陸隊潛會福
山僞職胡經元江勝海等合勦廣逆比至則賊
營固守無隙可乘周興隆駱國忠於二十九日

率勇夜抵福山令潘金旺駱國孝仍攻賊之南
周興隆駱國忠抄過北面斷賊登舟之路並伏
百人於江口隄下天色將曙槍礮雷發余拔羣
亦於江中開礮攻擊賊漸不支僞主將粵逆侯
得龍立於船頭被駱國忠手燃洋槍擊倒賊船
潰亂駱國忠等揮衆齊發火箭燒燬逆艇數隻
其餘竄逸大江西北者十數船僞近天福謝有

城蒼黃欲走胡經元從背後殪之江勝海乘勢
砍殺小頭目數十名並率衆從內殺出駱國孝
跳越兩濠手刃悍逆數名毀牆而入潘金旺周
興隆分從南北殺進粵逆死黨無一脫者並生
擒五十餘人許浦白茅徐六涇各海口賊營皆
爲我有此十一月二十八九日十二月初一日
收復常熟昭文縣城並攻克福山要口之情形

也。贛南鎮總兵程學啟知縣李鶴章遵飭先於
潘鎮鋪望仙橋等處派隊堵扼。牽綴賊自率
親兵直至太倉五里墩渡河。毀卡進至南馬頭。
賊憑河立營抗拒。程學啟等揮兵對敵。卽時趕
造木筏率驍勇渡河踏毀土營四座。賊敗退入
城。我軍偪至城根。賊堅伏不出。是日周興隆所
派之董正勤吳超凡帶勇千人前抵太倉支塘。

鎮遇伏苦戰受傷退回僞主將錢壽芒在太倉
知事機已洩旋率所部二千人於初七日至營
投見臣暫安插其衆於黃渡是否可用仍須察
看分別遺留此初一日進攻太倉獲勝未能如
約會齊之原委也徐佩瑗不知忠逆之歸也先
入蘇城將密有所約忠逆至蘇疑而拘之該團
局船勇聞信分伺賊之援常昭者中路擊敗之

賊復改道援常惟常昭新附衆心未定又爲蘇州門戶忠賊必挾全力以相爭勢頗危險臣軍分守嘉定青浦各要隘中阻崑太兩城與常熟相隔甚遠陸路無從救應又未便以孤軍深入棄松滬於不顧但據周興隆駱國忠稟報城內米糧頗足沿海一面尙可通行臣已用礮船解濟軍火飛調福山鎮總兵鞠耀乾率所部師船

會同副將黃登第師艇五隻駛泊徐六涇口飭
千總袁光政將周興隆所部船隻帶赴常熟互
爲聲援並委知州吳毓芬前赴常昭福山一帶
察看情形撫馭降衆固結其心如援賊暫未調
齊城內不生他變周興隆等或可支持一兩月
以待臣新軍之至先是六七月間臣屢派員弁
赴皖北招募十營嗣因上游緊急會國藩截留

張樹聲等五營守蕪湖旋調守無爲州又留吳
長慶等四營守廬江如皖事稍鬆明年正二月
可以抵滬臣慮兵力漸厚卽當相機進圖崑太
以通常昭之氣如新軍未至以前忠逆糾合上
下游賊衆圍攻常昭必分股出崑山撲我前敵
各營以圖牽掣臣縱不能遠救常昭亦當會合
各軍竭力堵勦以遏援賊之勢遊擊周興隆與

降將駱國忠等於四面賊區之中奮勇舉事力
誅賊會黨衆多人收復城池復乘勢攻克福山
要口將連年出江肆劫之廣逆誅戮殆盡實屬
膽氣過人惟臣處兵力過單無法往救不知該
遊擊等能否保守未敢據爲請獎應由臣酌覈
勞績暫假虛銜軍功頂戴以資籠絡果其力卻
援賊始終不渝再查明在事出力人員懇

恩優予獎勵奏八

上命議政王軍機大臣傳諭曾國藩李鴻章都興阿
富明阿曰李鴻章奏密約投誠賊目收復常熟昭
文攻克福山要口惟太倉內應未能如約會齊雖
經進剿獲勝仍未得手等語此次僞職駱國忠等
於四面賊區之中竟能束身歸正殺賊殲渠收復
各城連克要隘實屬奮勇出力李鴻章暫假虛銜

以示羈縻辦理甚爲妥協著仍將該降衆等妥爲
籠絡並傳旨嘉獎以固其心惟常昭爲蘇州門戶
賊所必爭且與上海中阻崑太兩城聲勢殊虞隔
絕儻官軍不爲援應誠恐孤懸一城致復疏虞更
恐該降衆等未能支持又生他變李鴻章已飭總
兵鞠耀乾等統率師船駛泊徐六涇口並將周興
隆所部船隻派赴常熟卽著飭該總兵等聯絡策

應互爲聲援以期穩固其崑太二城李鴻章務當
力圖進取儘能克復一城則陸路聲勢相通援剿
自易庶不致旋得旋失又棄前功其駱國忠等留
守常熟之萬人可卽傳令出隊幾成與官軍夾攻
以勦爲防城內米糧雖足該撫仍須設法由海道
接濟以固其心至福山賊船竄逸大江西北者十
餘號究竟駛往何處誠恐擾及江北則裏下河完

善之區又形震動著都興阿富明阿等密爲偵探
卽派兵迎頭截擊毋任竄擾並著曾國藩飭知李
世忠於江北駐守各城嚴密防範毋稍疏虞練首
徐佩瑗已爲蘇賊所拘其爲人向來如何被拘後
如何情形及錢壽仁旣率衆來投有無密謀可圖
本倉均著李鴻章隨時續奏

二十九日

丙午

都興阿奏言查九洑洲等處地極

險惡控扼江心現在逆匪雖分股竄入皖省而該處仍厚集悍黨併力固守該洲一日不拔不但江路不能疏通且江北各軍亦俱爲牽掣其上竄巢舍之賊據報上游官軍連獲勝仗該逆大半退踞和州已函致曾國荃囑其就近確探另行具奏旋聞江陰賊勢日孤慌懼異常卽飭總兵李起高統帶新造長龍礮划前往下游江

陰一帶相機勦辦又派遊擊葉廣全連夜帶船
下駛確探信息茲據下游防勦之總兵郭定猷
等稟報常熟福山等處均經黃翼升鞠耀乾等
克復該逆已投誠薙髮現飭魏麟彪等帶領礮
划二十餘隻下泊福山港口查探據稱蘇賊大
股相距甚近各路驚惶魏麟彪等於十二月十
一日出隊前往謝家橋一帶見該逆數千由常

邑大路蠡擁而至距福山不遠當經揮隊衝殺
正鏖戰間忽見投誠之卡牆突插黃旗卡內數
百人裹巾持刃從旁抄撲心知有變卽密令弁
勇隨戰隨退遙見賊援大至遂收隊回船福山
投誠之江勝海已在謝家橋復投入蘇逆股內
楊厓之賊紛出擄掠團練悉皆潰散等情查該
逆投誠後膽敢勾引大股復逞狡謀難保不乘

勢北竄兼聞江陰現又添賊甚重當飭吳全美
迅撥師船下駛嚴扼險要並飭副將劉成元統
帶三營步隊迅往泰興靖江一帶扼要駐紮相
機策應以杜該逆偷竄茲奉

諭旨賊蹤偏近通海等處圖由福山北竄著再抽調
師船防範富明阿如能前往卽著前赴察看等因
臣卽與富明阿商酌機宜多派礮船藉壯聲威

富明阿卽於十八日隨帶親軍起程由瓜州出江前赴下游查看布置並由吳全美派撥師船隨往以資調遣奏入

上命議政王軍機大臣傳諭曾國藩都興阿富汗李鴻章曰九淤洲地處險要賊匪拒守甚密當此冬令水涸之時含和如未克復水陸均難進剿李世忠旣尙肯出力仍著責成該提督防剿前據李

鴻章奏稱官軍約會投誠匪衆克復福山要口江
勝海乘勢砍殺小頭目數十名是江勝海頗知順
逆此次都興阿奏稱擬派總兵李起高乘勝進圖
江陰而副將魏麟彪等行至謝家橋遇賊鏖戰之
際忽見投誠之卡牆突插黃旗心知有變隨戰隨
退江勝海已在謝家橋復投入蘇逆股內等語福
山海口與上海聲息隔絕原難保其毫無反覆第

江勝海纔殺賊投誠何以忽又投入賊內是否確
有其事抑或魏麟彪等憚於攻勦隨意捏報李鴻
章已派鞠耀乾駛泊徐六涇口該處是否仍爲賊
踞著都興阿富明阿李鴻章查明分晰具奏現在
蘇城一帶賊情若何並著一併奏聞都興阿所稱
江陰添賊甚重此股逆匪從何處調來該將軍旣
飭吳全美派撥師船下駛劉成忠帶步隊駐紮靖

江泰興一帶著卽飭令實力扼堵毋任逆蹤偷渡
富明阿旣赴下游查看卽可隨時相機調遣毋稍
貽誤李鴻章前奏福山克復時有賊船十數號向
西北竄逸都興阿摺內並未聲敘仍著該將軍等
查明妥爲防範逆匪旣退和州含巢諒已克復此
股逆匪勢必仍回江南但恐侵軼揚防都興阿等
尤當隨時留意皖北連日戰勝各情著曾國藩詳

細具奏以慰塵念

三十日丁未耆齡奏旨知府康國器督飭各營隨

同浙江藩司蔣益澧圍攻湯溪正在添築礮臺
開挖地道據報紹興賊渠僞首王僞戴王僞梯
王三逆帶領大股匪衆號稱十萬由諸暨東陽
義烏永康一帶陸續西竄金華以援湯溪並有
遠則取道武義縉雲包抄近則由湯溪南鄉山

腳衝撲之語經臣諄飭總兵周萬遠督同縉雲處郡防兵堅守隘口副將曾元福袁良嚴防宣平松陽總兵林文察由李村偏攻武義步步爲營以勦作堵並飭康國器確探賊蹤與浙師合力迎擊嚴防衝突該逆旋分股竄至武義縣城及王村徐村一帶約五六千人十一月十四日分撲官軍營盤林文察卽令已革知縣謝穎蘇

等率弁勇迎擊自行督隊策應力戰時許林文
察抽隊由東路抄出橫衝賊陣立斬黃衣賊目
劉逆一名悍賊八名匪衆潰亂各營併力追殺
賊敗歸巢復經遊擊李朝安率勇自金鈎嶺來
援追殺逆衆無算其攻撲黃山頭之賊經遊擊
白瑛督同千總闕連城等嬰壘轟擊賊黨中礮
墜崖死者甚多而李村敗賊亦由北路來攻白

瑛揮勇分投堵禦林文察派勇首林其中等馳至內外夾擊賊始潰逃十六日林文察復飭白瑛等進攻街後賊巢先以小隊誘賊出營左右伏兵齊起三路夾擊斬首二十九級賊向徐村王村而遁當將街後賊壘踏毀搜斬受傷賊黨十七名救出杭州失陷時被擄漳泉勇九十八名難民三百餘名僞首王一股先至金華卽在

毗連湯溪南鄉各村肆行焚掠湯城之賊知賊
援已到於十一月二十一日由南門突山四千
餘人與東門山後壘內之賊分路來撲我軍營
盤康國器卽飭參將吳光亮等率勇分路迎擊
該逆拌死苦鬪意在突圍吳光亮等身先士卒
槍礮齊施斃賊約二百餘人內有僞丞相一名
僞首王率黨三萬餘人竄至酤坊白龍橋一帶

以援湯城二十三日知縣康熊飛等帶兵勇會同蔣益澧所派各營行至後杜地方賊衆橫互十餘里我軍左右衝突敗其先鋒紅旗悍賊乘勢直薄大隊賊衆披靡各軍追至白龍橋斃賊數千人生擒三十二名傍晚收隊是日湯城之賊知我軍出勦援賊突出二千餘人撲營吳光亮等率勇縱擊斃賊多名該匪敗遁歸城僞戴

王僞梯王率十萬之衆復竄開化酷坊一帶我軍分路進攻開化直衝賊陣該營官等皆誓死血戰盪決七次斃匪不計其數賊始敗走我軍追逐數里撤隊賊復跟蹤來躡都司古捷芳飭百長廖勝率勇數十人首先陷陣立斃悍賊多名全軍繼進賊復卻退適蔣益禮及撫臣左宗棠添派臬司劉典各率大隊馳至與吳光亮等

合力進擊各營益加奮勇賊不能支望金華大
路敗遁我軍追逐十餘里將開化山後賊寨盡
行焚燬查我軍圍攻湯溪賊勢窮蹙已甚功在
垂成逆衆以全力來援現雖兩獲勝仗而賊數
衆多究未大受懲創康國器所部僅四千餘人
以之分勦巨寇留攻湯城實形單薄現探該逆
仍竄酤坊等處四出擄掠漸逼蘭背源圖犯遂

昌以斷各營餉道 臣添募江西南康勇三千名
甫到浦城編爲六營當撥四營馳赴蘭背源扼
守以顧康國器各營後路二營派往遂昌縣湖
山地方駐紮以防龍游逆匪竄越守尙可資戰
仍不足惟有督飭康國器激勵各營協同蔣益
澧劉典兩軍實力勦洗務將援賊速就驅除並
恐該逆不得志於湯溪難保不窺伺溫處分我

兵勢處州縉雲僅防勇四千餘名松陽宣平不滿三千人林文察攻勦武義之衆亦祇四千人地面遼闊路徑紛歧各營合計雖有萬餘分防實形不足伏思麗水青田永嘉尙有得力團練臣已派員馳赴該三縣卽就鄉團內選募二三千名酌量何處緊要卽往防勦並飭署汀州鎮總兵鍾寶三募勇千名帶領來營協勦以期力

遇兇鋒此次各營效命力戰洵屬異常奮勇容
臣先行存記俟剿除援賊後再行擇尤懇
恩獎敘以資激勸奏入

上命議政王軍機大臣傳諭耆齡曰湯溪逆匪久已
窮蹙知府康國器率部攻剿雖因援賊衆多而曠
日持久蕞爾小城尙未攻拔其剿辦未能得手已
可概見且聞有縱勇滋擾各情現在該督添募南

康勇三千名前往助剿卽著嚴飭在事員弁迅速
攻拔湯溪毋再遷延此次擊退援賊各將士不無
微勞而該逆究未大受懲創著該督存記俟湯溪
克復彙案請獎

同日李鴻章奏言據遊擊周興隆稟稱僞忠王
李秀城糾合蘇嘉各股攻撲常熟初二日永昌
線董馬安濶率衆迎擊獲勝初六日援賊大至

道員徐佩瑗團勇先潰賊直逼常熟城下江陰
無錫各處踞賊亦分路來撲勢甚危急等語臣
軍分紮前敵崑山太倉之賊復出隊牽掣中隔
百數十里無路往援不得已檄調松江常勝軍
應遣回甯波之勇五百名配齊炸礮藥彈等件
乘坐輪船於十六日由松江啟行駛往福山進
口援剿常熟臣另派都司張國瑛等隨隊照料

仍歸周興隆節制以資鈐束臣聞常昭城外營
卡布置尙嚴米糧貲財積蓄頗富駱國忠等倒
戈投誠旣已與賊爲仇似無輕棄復叛之理惟
降衆心志不一圍守日久恐生內變該降將與
周興隆知臣軍難分皆乞酌派礮隊往助得此
常勝軍五百人前去如果賊勢尙鬆該軍能開
道入城庶耳目一新士氣百倍或可併力固守

以待太倉之復與臣軍相聯絡臣一而派令總
兵程學啟郭松林知縣李鶴章冒雨拔營進紮
外關葛隆一帶圖攻太倉並飭蘇松太道吳煦
商調留守松江常勝軍剋日會攻以分賊勢奏
入

上命議政王軍機大臣傳諭李鴻章曰常昭與上海
聲息隔絕恐其日久生變李鴻章現派常勝軍五

百人前往助守所辦尙爲妥協惟太倉未復則道
多隔閡該撫現派程學啟等進紮卽著迅調常勝
軍剋日會攻以分賊勢惟該撫所奏各情與都興
阿昨日所奏歧異恐係魏麟彪等並未前往任意
捏報都興阿未及詳查據以入奏著李鴻章迅速
查明據實具奏毋稍徇隱

李鴻章又奏言據藩司曾國荃稟稱胞弟曾貞

幹於咸豐三年以諸生隨兄曾國藩募勇三百
人擊賊常甯之洋崗咸豐八年因兄曾國華殉
難三河慨然有殺賊復仇之志前湖北巡撫胡
林翼委募湘勇千人赴鄂防勦十年克復太湖
縣城嗣圍攻安慶漸次統帶至五千人屢次擊
敗援賊克復安慶省城江北各城多爲賊踞該
員駐守縱陽鎮以固皖東門戶同治元年隨國

荃大營肅清江北各城進克繁昌蕪湖等縣遂
圍金陵該員獨當江東橋一路七八月閒病瘧
醫治甫愈適忠逆李秀城等率賊數十萬赴援
金陵時國荃駐雨花臺當金陵東路該員當西
路力保餉道兼援東路之急苦守力戰四十餘
日十月擊退大股援賊該員與福建提督楊岳
斌進攻九洑洲賊壘感受風寒舊疾復發以十

月十八日卒於江東橋營次等情前來 臣查補
用知府曾貞幹治軍有律尤善拊循戰士人樂
爲用履危蹈險堅固不搖賊大股赴援金陵謀
絕官軍餉道該員從容布置戰守兼施使賊卒
不得逞以去先後克復安慶蕪湖各城及解金
陵賊圍實該員之力居多而在軍中日久勞苦
憂思該員精氣亦已竭矣又逆揣金陵之賊勢

身之真國不問卷三十三 一
三二
必北渡解圍四日卽與楊岳斌冒風雨乘舟上
下謀攻九洑洲以遏竄路茲在軍營病故其生
前功績之盛與所以積勞致疾之由迥非尋常
將士可比臣不敢任其湮沒可否仰邀

諭旨准照二品例議卹並請

賜諡於本籍及死事地方建立專祠仍宣付史館立

傳出自

逾格天恩奏入

上諭內閣曰前據曾國藩奏知府曾貞幹積勞病故當經降旨追贈按察使銜照按察使軍營立功後病故例議卹茲據李鴻章奏報曾貞幹力疾督戰情形並臚陳生前戰績懇請逾格優卹已故知府曾貞幹隨同伊兄曾國藩等從事戎行咸豐十年克復太湖縣城十一年克復安慶省城本年肅清

江北各城進圍金陵皆曾貞幹之力居多七八月
間大股援賊圍撲雨花臺大營該故員力戰苦守
四十餘日使賊卒不得逞被創遁去乃因在軍日
久勞苦憂思遂致一病不起以死勤事實屬可嘉
可憫曾貞幹著加恩照二品例議卹並准其子諡
於本籍及死事地方建立專祠仍宣付史館特予
立傳以彰忠藎

同日瑛稟奏言髮逆陳得才一股由湖北房竹一帶竄入興安新舊兩城均被圍攻訊據獲賊供稱逆首僞扶王僞端王僞遵王糾合匪衆十餘萬分布興安四圍及各山隘渡口尙有僞齊王在竹谿不日亦將會齊等語現在城外賊壘密布糧道不通情形極爲危急臣屢咨多隆阿統籌調度昨准多隆阿咨調馬德昭馳赴興安

惟念省城防兵無多若令馬德昭撥帶前往於
省防恐滋貽誤焦急莫名又探聞川匪曹逆一
股由漢陰竄入甯陝境內意在直走子午峪北
犯省城查賊竄子午峪距省不過五十餘里儻
興安髮逆相繼北竄大局何堪設想除飭甯陝
廳文武督率團勇堵截隘口外又飛咨多隆阿
迅派勁旅由藍田前進交馬德昭統帶先將曹

逆截擊順道馳解興安之圍仍恐賊至在前兵
到在後有鞭長莫及之虞擬將省城防兵暫撥
兩營卽赴子午峪堵禦並飭藩司毛震壽就近
撥兵赴興以牽賊勢俟多隆阿援兵一到卽行
隨同進剿又咨官文嚴樹森於追剿髮逆之師
無分畛域越境繞出賊前援擊以期迅解城圍
奏入

上命議政王軍機大臣傳諭官文多隆阿駱秉章嚴
樹森瑛棨曰瑛棨奏髮逆僞扶王等率衆十餘萬
分布興安四圍及各山隘渡口僞齊王尙在竹谿
不日亦將會齊現在賊圍甚密糧道不通該府城
岌岌可危川匪曹逆一股復竄入甯陝廳境聲稱
直走子午峪北犯省城等語前因平利告警諭令
馬德昭督率兵勇馳往堵剿該提督兵力不厚且

省垣防守在在需兵必須添派勁旅前往方可退
截兇鋒多隆阿自應先其所急顧全大局著卽酌
度機宜或親率將領馳赴子午峪一帶截擊曹逆
節節進剿馳解興安之圍或酌調得力兵勇由藍
田前進交馬德昭統帶堵截均由該將軍斟酌辦
理前因髮逆竄徧平利節經諭令官文嚴樹森督
飭梁作楫等越境截剿何以該逆圍撲興安該道

員等並未派一旅之師前往援應實屬不知緩急
著官文嚴樹森嚴飭梁作楫等迅卽督率楚師繞
山賊前遏其北竄一面會合興安現有兵勇力解
城圍毋得稍分畛域致干重譴川省兵力有餘足
敷調撥此時髮逆各股全竄陝省勢甚危急著略
秉章速派知兵大員移得勝之師馳赴漢中一帶
將曹逆股匪剋日殲除毋許遲誤